

夜

航

船

夜航船卷之九

古劍陶菴老人紬

禮樂部

禮制 婚姻一

冠禮 古者冠禮筮日筮賓所以敬冠事也冠乎祚以

著代也醮於客位三加彌尊始加緇布冠再加有

成也已冠而字之成人之道也母於見於母母拜之

見於兄弟兄弟拜之成人而與為禮也左冠玄冕奠

摯於君遂以摯見於卿大夫鄉先生以成人見也

魯兩生 漢叔孫通制禮徵魯諸生三十餘人有兩不

生不肯生行曰禮樂必積德百年而後興今天下初

定何暇為此通笑曰鄙儒不知時變者也

應時而變 莊子三皇五帝之禮義法度不矜於同而矜於治譬猶櫛梨柚其味相反而皆可于口故禮義法度應時而變也

晉侯受玉 左傳天王使召武公內史過賜晉侯命受玉惰過歸告王曰晉侯其無後乎王使之命而惰于受瑞先自異也已其何繼之有禮國之幹也敬禮之輿也不敬則禮不行禮不行則上下昏何以長世綿叢叔孫通與其徒百餘人為綿叢野外習之月餘禮成高帝令羣臣習肄長樂宮成羣臣朝賀莫不振恐肅敬帝曰吾今日知為皇帝之貴也

婚禮 人皇氏始有夫婦之道伏羲始制嫁娶 女媧

氏與伏羲共母佐伏羲正婚姻始為神媒 夏后氏

始制親迎禮 秦始皇始娶婦納絲麻鞋一輛取和

諧也

後漢始聘禮用墨漢重墨今答聘用之始婚

禮用羊

取羊者祥也

巫咸制撒帳厭勝京房嫁女

翼奉子撒豆穀穰煞

張嘉貞嫁女制繡幙牽紅

唐新婦至輿大門傳度席勿履地晚唐制新婦上車

以蔽膝蓋面五代始新婦入門跨馬鞍

北朝迎婚

十數人大呼催新婦上輿婦家賓親婦女打新郎喜

拳手交下

昏禮

昏禮禮者將合二姓之好上以祀宗廟而下以

繼後世也故君子重之是以昏禮納采問名納吉納徵請期主人筵几於廟而拜迎于門外入揖讓而升聽命於廟所以敬慎重正昏禮也

納采者納雁以為采擇之禮也問名者問女生之母名氏也納吉者得吉卜而納之也納徵者納幣以為婚姻之証也請期者請婚姻之日期也五者合親迎為之六禮

禮親迎父親醮子而命之迎男先於女也子承命以迎主人筵几於廟而拜迎於門外壻執雁入揖讓升堂再拜奠雁蓋親愛之於父母也降出御婦車而壻受綏御輪三周先俟於門外婦至壻揖婦以入共牢而

食合盞而醕所以合體同尊卑以親之也

見舅姑夙興婦沐浴以俟見質明贊見婦於舅姑婦執筭棗栗段脩以見贊醴婦婦祭脯祭醴成婦禮也舅姑入室婦以特豚饋明婦順也

質明婚禮之次日贊相禮之人也筭竹器以盛棗栗段脩之贊脩脯也加薑桂治之曰段脩

饗以一獻厥明舅姑共饗婦以一獻之禮奠酬舅姑先降自西階婦降自阼階以著代也

厥明婚禮之二朝也舅獻姑酌共成一獻阼者主人之階婦之代姑將以為主於內也

結褵三命

女嫁父戒之曰謹慎從舅之言毋戒之曰

謹慎從爾姑之言諸母施鞶紳戒之曰謹慎從爾父母之言

四德三從 是以古者婦人先嫁三月祖廟未毀教於公宮祖廟既毀教於宗室教以婦德婦言婦容婦功教成祭之牲用魚芼之以蘋藻所以成婦順也三從謂婦人在家從父出嫁從夫夫死從子

伉儷 左傳齊侯請繼室於晉韓宣子使叔向對曰寡君未有伉儷君有辱命惠莫大焉

朱陳 白樂天詩徐州古豐縣有村曰朱陳去縣百餘里桑麻青氤氲一村惟兩姓世世為婚姻

撒帳菓 漢武帝李夫人初入宮坐七寶流蘇輦障鳳

羽長生扇帝迎入帳中共坐盃飲預戒宮人遙撒五色同心花菓帝與夫人以衣裾盛之云得多得子多也故後世有撒帳之遺

月老檢書 唐李固旅次宋城遇老人向月檢書謂固曰此天下婚姻簿也因問韋妻何氏答曰爾妻乃店後賣菜陳媼女耳翌日往視見媼抱二歲女甚陋遂使人刺眉之中眉後十四年相州刺史王泰妻以女姿容甚麗眉間常貼花鈿細問之曰妾郡守姪女也父卒於宋城襁褓時為賊所刺痕尚在眉宋城宰聞之名其店曰定婚店

金屋貯之 漢武帝幼時景帝問兒欲得婦否長公主

指女曰阿嬌好白否武帝曰若得阿嬌當以金屋貯之

丹桂近嫦娥

袁筠娶蕭安女言定未幾擢進士第羅

隱以詩贈之曰細看月輪還有意定知丹桂近嫦娥
女蘿附松柏 李靖謁楊素一伎執紅拂侍側目靖久之靖歸逆旅夜半有紫衣人扣門延入脫衣帽乃美人也靖驚詰之告曰妾楊家紅拂妓也女蘿願附松柏遂與之俱適太原

續斷絃

十洲記鳳麟州以鳳喙麟角作膠能續斷絃

門楣

唐玄宗寵禮楊氏其從兄國忠加御史大夫銓

鴻臚卿女兄弟韓國虢國秦國三夫人時謠曰男不

封侯女作妃君看女却為門楣

冰人 令狐策夢立冰上與冰下人語占者曰在冰上
與冰下人語為陽語陰當為人作媒期在冰判太守
田豹求張徵女使策為媒仲春成婚故稱媒人為冰
人

賣犬嫁女 唐吳隱之將嫁女謝石知其貧遣女必率
薄乃令移厨帳助其經營使人至見婢牽一犬賣之
此外蕭然無辦

練裳遣嫁 漢逸民戴良有五女練裳竹笥木履而遣
之東坡詩竹笥與練裳願得畢嫁

葭莩

竹上薄衣漢中山靖王封羣臣非有葭莩之親

潘楊 晉楊經潘岳作誄文云藉三葉世親之恩而子之姑子之伉儷焉潘楊之睦有自來矣

鳳占 左傳陳公子完奔齊齊侯使為卿齊大夫懿氏欲妻以女卜之曰鳳凰于飛和鳴鏘鏘有姁之後將育于姜五世其昌

結縭 詩之子于歸皇駉其馬親結其縭九十其儀結婦人之褱也

示之以禮 馬超奔蜀輕視先主常呼先主字關羽怒請殺之先主曰人窮來歸以其呼字而殺之何以示天下張飛曰如是當示之以禮次日大會諸將諸超入羽飛並伏刀立直超顧坐席不見羽飛見其直也

乃大驚遂尊事先主不敢呼字

議禮聚訟 漢章帝欲定禮樂班固曰諸賢多能說禮
宜廣招集帝曰諺云築舍道旁三年不成會禮之家
名為聚訟

禮制喪事二

喪禮

黃帝始制棺槨周公制翼周制俑虞卿制桐人

左伯挽制明衣

新衣襲尸

史佚制下殯棺衣夫差為

冥帽而始制面帛夏制明器五代制靈座前看菓。

舜制弔禮晉制弔客至喪家鳴鼓為號。巫咸制紙

錢

名寓錢

漢禱神瘞錢王璵始喪祭焚紙錢。周制

方相先驅漢制魃頭俗開路顯道神始嫗祖祖道死

嫗姆監護因制。商始制銘旌以書姓名魏始書號

後漢始制墓碑為文字辨識。黃帝封京觀始制墓

周公始合葬周桓王始改葬秦武公始人殉葬宋文

公始殉葬用重器。秦稱天子墓為山漢始為陵漢

文帝始豫造壽陵少康封其子祀禹始設守陵人。
秦始皇制皇寢石麟辟邪咒馬臣下石人羊虎柱罔
象好食亡者肝因制。宋真宗始給民義塚制漏澤
園

服制 黃帝始制喪禮禹始制五服堯始定三年喪父
斬哀母齊衰唐武后制父在為母三年同父喪宋太
祖制舅姑三年喪。周公制生母齊衰三月魯昭公
制慈母服他妻養己唐玄宗加母黨服。魏徵制叔
嫂小功服戴德制朋友總麻服晉襄公制起復始伯
禽征徐戎卒哭漢唐沿之始大臣奪情。漢元帝始
令博士丁憂。漢文帝始易月景帝為三十六日釋

服唐肅宗始定二十七日之服

喪禮五服 斬衰三年子為父母女在室并已許嫁者
及已嫁被出而反在家者與子之妻同。子為繼母
為慈母為養母子之妻同。庶子為所生母為嫡母
庶子之妻同。為人後者與妻同嫡孫為祖父母高
曾父母承重同。妻為夫妾為家長同

衰齊杖期 嫡子眾子為庶母其妻亦如之。子為嫁
母為出母夫為妻嫡孫祖在為祖母承重

齊衰不杖期 祖為嫡孫父母為嫡長子及嫡長子婦
及眾子及女在室及子為人後者。繼母為長子眾
子侄為伯叔父母為親兄弟及親兄弟之子女在室

者。孫為祖父母孫女在室與出嫁同為人後者為其本生父母女出嫁為其本宗父母妻為家長之正妻妾為家長父母妻為家長之子與其所生子

齊衰五月曾孫為曾祖父母曾孫女同齊衰三月玄孫為高祖父母玄孫女同

大功九月 祖父母為眾孫孫女在室者父母為眾子嫁及女已出嫁者伯叔父母為侄婦及侄女已出嫁者妻為夫之祖父母妻為夫之伯叔父母夫為為人後其妻為夫之本生父母

小功五月 為伯叔祖父母為堂伯叔父母為再從兄弟為兄弟之妻祖為嫡孫婦為外祖父母為母之兄

弟姊妹

總麻三月 祖為衆孫婦曾祖父母為曾孫祖母為嫡
孫衆孫婦為乳母為妻之父母為婿為外孫為同堂
兄弟之妻

三父 同居繼父不同居繼從母嫁繼父諸繼父謂父
死母再嫁他人隨去者同居有期年服不同居者無
服隨繼母嫁繼父有齊衰杖期

八母 嫡母繼母養母 謂自幼過房與人慈母 謂生母

死父令別妾撫育者 嫁母 謂親母因父死再嫁他人

者出母 謂親母被父所出庶母 父妾之生子女者乳
母 即奶母亦服總麻

七出無子淫佚不孝多言盜竊妬忌惡疾三不去與更
三年喪前貧賤後富貴有所娶無所歸

讀禮 曲禮曰居喪未葬讀葬禮既葬讀祭禮

彌留 疾革之時氣尚未絕目不即瞑謂之彌留

屬纊 屬付也纊綿也以綿輕而易動故付置於口鼻
上以驗氣之有無也

易簣 曾子疾病曾元曾申坐於足童子隅坐而執燭
童子曰華而睨大夫之簣與曾子曰然季孫之賜也
我未之能易也元起易簣舉扶而易之反安席未安
而歿

捐館 蘇秦傳奉陽君死捐館舍而去

鬼錄 魏文帝與吳質書昔年疾病親故多罹其災觀其姓名已登鬼錄

就木 晉文公奔狄娶季隗將適齊謂隗曰待我二十五年不來而後嫁對曰我又如是而後嫁則就木矣蓋棺論定 晉劉毅云丈夫蓋棺論方定修文郎 春秋時蘇韶卒後從弟節書見韶因問幽冥事韶曰顏回卜商死俱為地下修文郎

白玉樓 李賀將死有緋衣人駕赤虬奉雷版召賀曰帝成白玉樓立召為記天上差樂不苦也

一鑑亡 魏徵卒帝臨朝歎曰以銅為鑑可照妍媸以人為鑑可明得失今魏徵逝一鑑亡矣

月犯少微 謝敷隱居剡中時月犯少微占云處士當
之吳國戴逵名重於敷甚以為憂俄而敷死時人語
曰吳中高士求死不得

歲在龍蛇 鄭玄夢孔子告之曰起起今年歲在辰明
年歲在巳既寤以讖合歲知命當終纖云歲在龍蛇
賢人嗟

夢書白駒 杜牧之夢書白駒字或曰過隙也俄而悉
燬其所為文章詩籍果卒

一朝千古 唐薛收卒秦王曰吾與伯褒共軍旅豈期
一朝成千古也

脫驂 孔子遇舊館人之喪入而哭之哀出使子貢脫

驂而賻之

麥舟 范堯夫舟有麥五百斛悉與故人石曼卿以助其葬

生芻一束 郭林宗有母憂徐穉往弔之置生芻一束于閭前而去之衆恠不知其故林宗曰此必南州高士徐孺子也詩不云乎生芻一束其人如玉吾有何德足以當之

素車白馬 范式巨卿張邵元伯相與為友元伯卒式夢邵呼曰巨卿吾已某日死某日葬式馳往赴之未及到而邵已發引將至壙而柩不前其母曰元伯豈有望耶停柩移時乃見素車白馬哭而來母曰是必

范巨卿也式因執紼而其柩乃前

歸見父母 陳堯佐臨終自誌其墓曰有宋潁川生堯
佐字希先年八十二不為天官一品不為賤卿相納
錄不為辱祖可歸見父母棲神之域矣

翁仲 水經注鄆南千秋亭壇廟東枕道有兩石翁仲
山谷詩往者不可言古柏守翁仲

九京 文子曰是全要領以從先大夫於九京也

佳城 漢滕公駕至東都門馬悲鳴不進命掘之得石
槨有蝌蚪書云佳城鬱鬱三千年見白日吁嗟滕公
居此室公歎曰天乎吾死其安此乎後葬其處

牛眠 晉陶侃初家將葬忽失一牛不知所在遇一老

父謂曰前岡見一牛眠處其地若葬位極人臣侃尋
牛得之因葬焉

壽藏 唐姚崇自立壽藏於萬安山北曰安居穴土以
土為牀曰化臺

輓歌 漢高帝時田橫死從者不敢哭隨拔敘哀故承以
為輓歌漢武時李延年分為二薤露送王公貴人客
蒿里送士大夫庶人

弔柳七 柳永死日家無餘財羣妓合金葬之郊外每
春月上塚謂之弔柳七

漆燈 唐沈彬居有一大樹嘗曰吾死可葬於此既葬
穴之巧一古塚其間一古燈臺上有漆篆文曰佳城

今已開雖開不葬埋漆燈猶未滅留待沈彬來

金粟岡 唐玄宗幸橋陵見金粟岡有龍盤鳳翥之勢
謂侍臣曰吾千秋歲萬後宜葬於此及升遐羣臣依
旨葬焉

馬鬣封 禮記子夏曰昔夫子言之曰吾見封之若堂
者矣見若坊者矣見若覆夏屋者矣見若釜者矣馬
鬣封之謂也

長夜室 東坡贈章默詩章子親未葬餘生抱羸疾朝
吟噓鄰里夜淚腐茵席願求不毛田親築長夜室
土饅頭 范石湖重九日行營壽藏之地詩家山隨地
可松楸荷鍤搗壺似醉劉縱有千年鍊門限終須一

个土饅頭

要離塚 梁鴻卒弟伯通等為求葬地乃葬之要離冢
傍曰梁鴻高賢要離烈士政相類也後人遂以其所
居名梁谿今無錫是也

玉鈎斜在吳公臺下隋煬帝葬宮人處也唐竇鞏宮人
斜詩離宮路遠北原斜生死恩深不到家雲雨今歸
何處去黃鸝飛上野棠花

葬龍耳 晉元帝聞郭璞為人葬墳地微服往觀謂主
人曰此葬龍角必滅族主人曰璞云此是龍耳三年
當有天子至帝曰出天子耶曰非也能致天子問耳
方相 周禮方相氏毆冢象好食亡者肝而畏虎與柏

故墓上列柏樹路口置石虎本此

不慙遺一老 孔子卒哀公誄之曰昊天不弔不慙遺一老俾屏余一人以在位煢煢余在疚嗚呼哀哉尼父母自律子貢曰君其不沒於魯乎

五穀瓶 喪服小記魯哀公曰五穀囊起伯夷叔齊不食粟而死故作五穀囊吾父食味舍哺而死何用此為今人遂為五穀瓶

青蠅為弔客 虞翻字仲翔放棄海南自恨疏節骨體不媚犯上獲罪當長歿海隅生無可與語死以青蠅為弔客使天下人知己者足以不恨

墓木拱 左傳秦伯使謂蹇叔曰爾何知中壽爾墓之

木拱矣

瓜奠 唐萊國公杜如晦薨太宗詔虞世南製碑文後
因食瓜美愴然愴之遂輟食遣使奠於靈座

哀些 宋玉招魂曰光風轉蕙汜崇蘭些些語詞宋玉
招魂語末皆云些故輓歌亦曰哀些

長眠 廣記鄭元路逢一塚有二竹鄭為詩曰塚上兩
竿竹風吹常嫋嫋塚中人續曰下有百年人長眠不
知曉

賻賄 賻助也賄報也所以助生送死副至意也貨財
曰賻車馬曰賄玩好曰贈衣服曰襚

銘旌 銘明也以死者為不可別已故以其旌識之杜

牧之詩云黃壤不霑新雨露粉書空換舊銘旌

諡太公周公相嗣王始作諡法人主諡始黃帝加諡至
十數字始唐玄宗太子諡始申生卿大夫始諡始周
處士諡始陶弘景公卿無爵而諡始王導宦者諡方
伎諡始北魏公卿大夫祖父諡始元婦人諡始穆天
子諡盛妃哀后諡始漢高祖尊母昭靈主諡始唐祖
高祖諡女平陽公主昭生而賜諡始衛侯賜北宮喜
貞析朱組成私諡始黔婁婦人私諡其夫始柳下惠
窀穸 左傳獲保首領以殁于地惟是春秋窀穸之事
襄事 左傳葬定公雨不克襄事禮也

葛茆 左傳葬敬嬴旱無麻用葛茆

祖載 白虎通祖載者始載柩于庭乘輜車而辭祖禰
故曰祖載

天子死曰崩諸侯曰薨大夫曰卒士曰不祿庶人曰死
在床曰尸在棺曰柩羽鳥曰降曰足曰漬死寇曰兵
執紼 記弔於葬者必執引若從柩及壙皆執紼

禮制 祭祀三

祭法 有虞氏禘黃帝而郊嚳祖顓頊而宗堯夏后氏亦禘黃帝而郊鯀祖顓頊而宗禹殷人禘嚳而郊冥祖契而宗湯周人禘嚳而郊稷祖文王而宗武王

少昊始制宗廟周公始為七廟舜始制廟號。舜受終

文祖始大事告廟。伏羲始制祀先少昊始制四時

廟祭。舜始制禘祭帝槐始制不遷宗祭殷制五年

袷祭周三年文王祭忌日。北齊始制別室加薦藝

味。殷太甲始制功臣配享。禹作世室始立尸伊

尹制祫宅也即今木主宋真宗制板位財以漆匣左

徹刻黃帝制木像。秦始皇始制寢墓側漢因之為

起居衣冠象生之備上飯天子正月上陵始祭掃。

王導拜元帝陵始人臣謁陵。祭神伏羲始於冬夏

至郊社祭皇天后土殷湯始制祭感生帝周公始制

祭神州地祇。舜始制禘郊配食秦始皇制三歲一

郊漢平帝始南郊合祀天地位皆南向地位差東王時

莽宰衡。神農始制大享五天地於明堂堯制五人

帝五人神配五天帝舜制五郊祭五方天帝迎氣。

黃帝始制壇時秦獻公制畦時如韭畦于時中秦始

皇制始四時本襄公西時文公廊時俱白宣公密時

青靈公上下時上黃帝漢高帝始增制五時漢武帝

始祀太乙五帝之主自昏至明始立泰時

漢文帝始制五帝廟同字

五廟各門下為

晉武帝始詔五

帝同稱昊天除五帝座

從五王肅議

○秦始皇始制郊祀

燿火

燿舉也非同祠所舉火為節而遙拜也

○帝嚳始制六宗祭日月

星辰寒暑四時風雨雷雲無懷氏始封禪黃帝始制

四坎祭川谷水泉四壇祭山林丘陵舜制秩祭四嶽

四瀆○黃帝始制社祭五土制稷子五土之中特指

原隰之祗

稷為長子穀也非但祭其穀粒

○秦制守始郡縣

祠社稷宋真宗始定郡縣祭社稷儀○神農始制蜡

少昊制祭先農蠶舜制祭四方百物禹祭司定寒水

神秦德公祭伏○湯早始遷稷神柱祀棄○湯始五

祀戶竈門路中畱周公制七祀加秦厲司命漢高祖

廢戶祭井。漢高祖始祭蚩尤。唐玄宗始九宮神。

秋節設壇修祀。顓頊制禡祭舜。制類祭禹。制大旅。神農始

制祝文。漢武帝始郊祀立樂府。黃帝始沐浴修齋

戒。後魏始行香。以香末散禱祈。太康失邦始日食

始救日。神農始制謀求子湯制雩禱旱。周公制大

雩祈穀。神農始制請雨之法。湯制土龍祈雨。隋文

帝制祈雨斷屠宰禁施扇。

宗伯職掌凡祀大神享大鬼祭大祗師執事命龜卜日

次位樂築鬻省牲告潔告備受釐錫嘏

九祭六器周禮太祝掌辨九祭六器六器者蒼璧黃

琮青珪赤璋白琥玄璜九祭一曰命二曰衍三曰炮

四曰廟五曰振六曰擩七曰絕八曰燎九曰共

郊祀 燔柴於泰壇祭天也瘞埋於泰圻祭地也用騂
犢

六宗 埋少牢於泰昭祭時也祖迎於坎壇祭寒暑也
王宮祭日也夜明祭月也幽宗祭星也雲宗祭水旱
也

五時祠 青帝曰姦時祠黃帝曰上時祠炎帝曰下時
祠白帝曰畦時祠黑帝曰北時

五祀 春祀戶夏祀灶秋祀門冬祀行夏季祀中霤

七祀 王立七祀曰司命曰中霤曰國門曰國行曰泰
厲曰戶曰灶諸侯五祀曰司命曰中霤曰國門曰國

行曰公厲大夫三祀曰族厲曰門曰行士二祀曰門
曰行庶人一祀或立戶或立灶

八蜡

天子大蜡八一先嗇

神農

二司嗇

后稷

三農

田

畯

四郵表

畷田畔屋

五猫

食田鼠

虎

食田豕

六堵

蓄

水亦以障水

七水庸

溝受水亦以洩水

八昆虫

螟螣

之類

祀典

夫聖王之制祭祀也法施於民則祀之以死勤

事則祀之以勞定國則祀之能禦大菑則祀之能捍

大患則祀之是故厲山氏之有天下也其子曰農能

殖百穀夏之衰也周棄繼之故祀以為稷共工氏之

霸九州也其子曰后土能平九州故祀以為社帝嚳

能序星辰以著衆堯能賞均刑法以義終舜勤衆事而野死鯀障洪水而殛死禹能以修鯀之功黃帝正名百物以明民共財顓頊能修之契為司徒而民成冥勤其官而水死湯以寬治民而除其虐文王以文治武王以武功去民之菑此皆有功烈於民者也及夫日月星辰民所瞻仰也山林川谷丘陵民所取財用也非此族也不在祀典

祭主 天子祭天地祭四方祭山川祭五祀歲徧諸侯方祀祭山川祭五祀歲徧大夫祭五祀徧士祭其先祭孔廟 唐玄宗始封孔子王號宋太祖始詔孔子廟立戟仁宗始詔用祭歌徽宗始從蔣靖請時官司業

用冕十二旒服九章漢武帝始封孔子後為侯奉祀
成帝始謚孔子後周始詔孔子後為曲阜令宋仁宗
始詔孔子後為衍聖公

丁祭用鹿 漢高祖過曲阜以大牢祀孔子今制郡縣
祭孔子以鹿

淫祀 凡祭有其廢之莫敢舉也有其舉之莫敢廢也
非其所祭而祭之名曰淫祀淫祀無福

犧牲 天子以犧牛諸侯以肥牛大夫以索牛士以羊
豕

凡宗廟之禮牛曰一元大武豕曰剛鬣豚曰腍肥羊曰
柔毛雞曰翰音犬曰羹獻雉曰疏趾兔曰明視脯曰

尹祭稟魚曰商祭鮮魚曰脰祭水曰清滌酒曰清酌
黍曰薌合粱曰薌其稷曰明粱稻曰嘉蔬韭曰豐本
鹽曰鹹醴玉曰嘉玉幣曰量幣

方諸明水 方諸大蛤也摩拭令熱以向月則生水古
人取以廟祭謂之明水

祭號 祭王父曰皇祖考王母曰皇祖妣父曰皇考母
曰皇妣夫曰皇辟

廟制 天子七廟三昭三穆與太祖之廟而七諸侯五
廟與太祖之廟而五大夫三廟一昭一穆與太祖之
廟而三士一廟庶人祭於寢

祭時 天子諸侯宗廟之祭春曰禘夏曰禘秋曰嘗冬

曰蒸天子犴醢醢醢嘗醢蒸諸侯醢則不醢醢則
不嘗嘗則不蒸蒸則不醢諸侯初犴醢一犴一醢嘗
醢蒸醢

牲制 天子社稷皆太牢諸侯社稷皆少牢大夫士宗
廟之祭有田則祭無田則薦庶人春薦韭夏薦麥秋
薦黍冬薦稻韭以卵麥以魚黍以豚稻以雁

牛制 祭天地之牛角繭栗宗廟之牛角握賓客之牛
角尺

六禮冠冠婚喪祭鄉相見七教父子兄弟夫婦臣君長
幼朋友賓客八政飲食衣服事為異別度量數制
鄉飲酒禮主人拜迎賓於庠門之外入三揖而後至階

三讓而後升所以致尊讓也盥洗揚觶所以致潔也拜至拜洗拜受拜送拜既所以致敬也尊讓潔敬也者君子所以相接也

五象 賓主天地也介饌象陰陽也三賓象三先也讓之三也象月之三日而成魄也四面之坐象四方也貴禮賤財 祭薦祭酒敬禮也嘑肺嘗禮也啐酒成禮也於席末言是席之正非專為飲食也為行禮也所以貴禮而財也

別貴賤 主人親速賓及介而衆賓自從之至於門外主人拜賓及介而衆賓自入貴賤之義別矣

辨隆殺 三揖至於階三讓以賓升拜至獻酬辭讓之

節繁及介省矣至于衆賓升受坐祭立飲不酢而降
隆殺之義辨矣

和樂不流 工入升歌三終主人獻之笙入三終主人
獻之間歌三終合樂三終工告樂備遂出一人揚觶
乃立司正焉知其能和樂而不流也

弟長無遺 賓酌主人主人酬介介酬衆賓少長以齒
終於沃洗者焉知其能弟長而無遺矣

安燕不亂 降說履升堂修爵無數飲酒之節朝不廢
朝夕不廢夕賓出主人拜送節文遂終焉知其能安
燕而不亂也

呂律

伏羲始紀陽氣之初律為律法建日冬至之聲以黃鍾

為宮

黃鍾自冬至始以次運行當日

黃帝聽鳳鳴候

氣應比黃鍾之宮而皆可以相生始為本令神瞽協

中聲始為律度。武王伐紂吹律聽聲制七律位各五

其所用之律一和聲漢武帝時令張倉定音律訪律呂相

生之變於京房始制六十律執始執始之外中宮上生

於南相生終五代錢樂之沈重因京房而六之制三百

六十律旋日當各一管宮徵○黃帝取嶰谷之竹斷兩節

間而吹律京房以竹聲微不可度調始作準以定數

準狀如琴長丈十三後魏陳仲儒請以準代律。魏

杜夔令柴玉鑄鍾荀勗較杜夔鍾律造十有二笛笛

具五音以應京房之術行各以其律相因以本宮管上

徵上行梁主衍制為四通立為四器名之為通皆施

又用笛以寫通聲。沈重始為子聲以母命子隨所

多少合一律一部律數為日一為變宮變徵羽宮之

收一聲少高於宮角徵之四清聲如黃鍾為宮蕤賓

間近徵收一聲少下於徵聲以應之。隋鄭譯始立七調以其七調勘較七聲

七聲之外更立一聲為應姜寶常始為八十四調百

四十律變化終於十聲率二律於譯何妥臣用黃鍾一

宮妥立議非古旋唯擊七鍾五鍾為啞鍾唐張文收

與祖孝孫吹調始十二鍾皆應。唐末黃巢工器俱

盡博士殷盈孫鑄鍾十二處士肅承訓較定石磬
皆於金石求之王朴始尋古法得十二律管依律準
十三絃以宣其後聲宋太祖命和峴下王朴樂二律
仁宗復詔李炘較定。宋禮官楊傑請依人聲制樂
以歌為本蜀方士魏漢律用夏禹以身為度之文取
帝中指三寸為度

伏羲始作樂黃帝臣伶倫始制六律六呂榮緩鑄十二
鍾協月竽以和五音。周禮始奏鼓吹

大樂皆以鍾
鼓禮鍾師掌

金制九夏梁武帝本九夏為十二雅

準十二律始定
大樂世世因之

祖孝孫本十雅為十二和。秦燔樂經漢興高祖始
為樂武德文廣帝為四時樂叔孫通始定廟樂武帝始

定郊祀十九章明帝始定四品

郊廟上陵大子樂燕射雅頌樂燕饗

黃門鼓吹樂軍中短簫鏡歌樂

。漢東京之亂樂忘魏武始命杜夔

創定雅樂四箱樂具晉永嘉之亂樂又忘梁武帝更

制及周太祖隋文帝詳定雅樂頗得其宜至唐高宗

命祖孝孫孝考據古音斟酌南北始著為唐樂。漢

武帝制樂府始諸調雜舞悉被絲管陳後主始制玉

樹後庭花新樂隋煬帝金釵兩臂垂

云俱陳後主

唐玄宗

立部伎坐部伎三十六曲。隋文帝始分雅俗二部

唐玄宗始法曲與胡部合奏漢始立鼓吹置署隸北

狄樂分二部朝會用鼓吹有簫茄者軍中馬上用橫

吹有鼓角者隋以後始以橫吹用之鹵簿與鼓吹列

為四部

橫吹部 鼓部 鑼鼓部 大總

為鼓吹供大駕及皇太

子王公。

張騫入西域得胡音始為胡角以應胡笳

本黃帝吹角戰於涿鹿魏時減為半鳴始衰。漢唐

山姓夫人造房中祠樂本周房中樂諷用絲竹遺聲

為清樂隋高祖制房內樂煬帝始加歌鐘歌磬絲竹

副之。元魏孝文慕漢獲南音始為清商樂本漢三

調隋文帝篤好清樂置清商署為七部煬帝始定清

樂九部唐高祖仍設九部太宗為十部俱主清商。

唐玄宗始制教坊隸散樂始周有縵樂散樂秦漢因

之為雜伎武帝始沿為俳優百獻戲謂散樂

舜調八音用樂器八百般至周改宮商徵羽減樂器五

百般唐又減三百般。周制樂編懸鐘磬各八二八

十六而在一簣半為堵全為肆肆陳也堵猶牆也堵言一列也。黃

帝始然夔作冒鼓帝嚳作鼗鼓禹作鞀鼓小鼗作鼗

鼓周有瓦鼓漢有杖鼓唐有羯鼓。母句始作磬南

齊作雲板梁作方響制以鐵為之。黃帝製蚩尤作鈺

角帝嚳平共工作塤篪梧祝即控。神農始作鐘

禹作鐸湯作鐸以鐘以和鼓。女媧氏作笙黃隨作竽神

農作簫伏羲作簫一云女媧師延作控一云舜篪蒙恬作

箏沈懷遠作繞梁似篪。伶倫伐昆溪之竹作笛漢

上仲始充其制。女媧氏始作管唐劉係作七星管

。伏羲始作瑟黃帝制始使素女破二十五絃伏羲

絃。梁柳惲作擊琴。擊琴唐道源作擊。甌李琬作水

盞。二俱用。師曠制月琴。秦苦役絃靴而鼓之作

琵琶。李伯陽入西戎作胡笳。黃幡綽侍明皇譜拍

板。琴伏羲氏始削桐為琴。十絃神農作。五絃琴具五

音。文王始增少宮少商二絃為七絃。伏羲始為琴

操。師延始為新曲。趙定漢宣時人始為散操。九引十二操

皆以音相援。不著辭。或云琴曲皆魏晉人為之至梁始秦琴有辭

古琴名。伏羲離薇黃帝清角帝俊電母伊陟國阿周

宣王嚮風秦惠文王宣和閑邪楚莊王繞梁齊桓公

鳴廉號鐘莊子橘梧閑損拵容衛師曹鳳唳魯謝涓

龍腰魏師堅履杯魯賀雲龍頷魏揚英鳳勢秦陳章

神暉趙胡言亞額

琴額女字

李斯龍腮始皇秦琴

絲軫

俱司馬相如綠綺英啟期雙月張道響泉趙飛燕鳳

凰梁鴻靈機馬明四峰宋蒙蟬翼楊雄清英晉劉安

雲泉王欽古瓶謝莊怡神仙人莊女落霞李勉百納

徐勉玉床荀季和龍唇祝啟牧太古趙孟頫震餘

許旌

陽手植桐吳思懿王洗凡

新瀑布泉亭柱

琴操○雅度五等伏羲舜仲尼靈關雲和十二操孔子

將歸猗蘭龜山周公越裳文王拘幽太王岐山尹伯

奇履霜牧瀆雉朝飛商陵牧子別鶴曾子殘形伯牙

水仙懷陵九引楚樊姬烈女引魯伯妃伯妃引晉漆

室女貞女引衛女思歸引楚商梁霹靂引樗里牧恭

走馬引檣里子瑩篴引秦屠高門琴引蔡邕五弄游
春淥水幽居坐愁秋思師涓四時操春操離鴻去雁
應蘋夏操明晨焦泉流金秋操商風落葉吹蓬冬操
凝和流澮沉雲

樂律

歷代樂名 黃帝作咸池顓頊作六英帝嚳作五莖堯
作大章舜作大韶禹作大夏湯作大濩武王作大武
解谷 黃帝命伶倫作律伶倫取竹於解谷生其竅厚
薄之均者斷為兩節間作六寸九分而吹之以為黃
鍾之管制十二筩以聽鳳凰之鳴雄鳴六雌鳴六六
以為律呂

律呂五聲之本生於黃鍾之律律有十二陽六為律陰
六為呂律以通氣類物一曰黃鍾二曰太簇三曰姑
銑四曰蕤賓五曰夷六則六曰無射呂以旅陽宣氣
一曰林鍾二曰南宮三曰應鍾四曰太呂五曰夾鍾

六曰中旅有三統之義焉職在太常太常掌之

葭灰氣候 隋文帝取律呂葭灰以候氣問於牛弘

對曰灰飛半出為和氣全出為猛氣不出為衰氣

五音 宮為君商為臣角為民徵為事羽為物五者不
亂則無怙懣之音矣宮亂則荒其君驕商亂則陂其
臣壞角亂則憂其民怨徵亂則哀其事動羽亂則危
其財匱五者皆亂迭相陵謂之慢如此則國之滅亡
無日矣

亂世之音 鄭衛之音亂世之音也比於慢矣桑間濮
上之音亡國之音也其政散其民流誑上行私而不
可止也

溺音 魏文侯問何謂溺音子夏對曰鄭音好濫淫志
宋音燕女溺志衛音趨數煩志齊音敖辟喬志此四
者皆淫於色而害於德是以祭祀弗用也

六聲 鍾聲鏗鏗以立橫橫以立武君子聽鍾聲則思
武臣石聲磬磬以立辨辨以致死君子聽磬聲則思
死封疆之臣絲聲哀哀以立廉廉以立志君子聽琴
瑟之聲則思志義之臣竹聲濫濫以立會會以聚衆
君子聽等笙蕭管之聲則思畜聚之臣鼓鼙之聲謹
謹以立動動以進衆君子聽鼓鼙之聲則思將師之
臣君子之聽音非聽其鏗鏘而已也彼亦有所合之
也

學琴師襄 孔子學琴於師襄孔子曰丘習其曲再習
數^其今習其志有所穆然而深思焉有所怡然高望而
遠志焉又得其人鯨然而黑幾然而長眼如望羊心
如欲王四國非文王^其誰能為此也師襄辟席再拜曰
師蓋云文王操也

四面

王宮縣

四面宮縣

諸侯軒縣

去其南面以避王

也大夫判縣

又去其北面僅存其半也

士特縣

又去

其西南以示特立之意也

銅山崩

漢武帝時未央宮殿前鐘無故自鳴詔問東

方朔對曰臣聞銅者山之子山者銅之母子母相感
鐘鳴山必有應者居三日南郡太守上言山崩延袤

二十餘丈。魏帝殿前大鍾不叩自鳴人皆異之以
問張華張華對曰此蜀郡銅山崩故鍾鳴應之耳尋
蜀郡上其事如張華言

鐸于 孝武西遷雅樂多缺有鐸于者近代絕此或有
自蜀得之者莫識之斛斯徵曰此鐸于也遂依于寶
周禮法以芒筒捋之其聲極振

金鐸 周禮少師以金鐸和鼓其形象鍾頂大腹口弁
以伏獸為鼻內縣鈴子鈴銅舌作樂振而鳴之與鼓
相和 狀似佛子鈴

鞀賓鉄 樂工廉郊池上彈鞀賓調忽聞荷間有物跳
躍乃方響一片 方響以鉄為之用以代磬識者知其

為蕤賓鉄也音樂之相感若此

駟馬仰秣 伯牙彈琴而駟馬為之仰秣仰秣者仰頭吹吐謂馬笑也

萬壑松 郭伯山收唐琴萬壑松乃宣和御府物李白詩蜀僧抱絲猗西下峨眉峯為我一揮手如聽萬壑松客心洗流水餘響入霜鍾

琴有殺心 蔡中郎赴鄰人酌至門有客鼓琴中郎潛聽之曰以樂召我而有殺心何也遂返主人知自起追之中郎具以告客曰我適鼓琴見螳螂方捕蟬惟恐失之此豈殺心現於指下乎中郎笑曰此足以當之矣

高山流水

伯牙鼓琴鍾子期聽之伯牙志在高山子

期曰峻若崧嶽伯牙志在流水子期曰善哉瀉若江

河子期死伯牙破琴絕絃終身不復鼓琴

濮水琴瑟 晉師延為紂作靡靡之樂武王伐紂師延

自投濮水而死後衛靈公夜止濮上聞鼓琴聲召師

曠聽而習之師曠曰此亡國之音也

焦尾 蔡中郎在吳吳人燒桐以爨中郎聞其火爆聲

曰良木也請截為琴果有美音其尾猶焦因名其琴

曰焦尾琴

相如琴臺 司馬相如有琴臺在浣溪正路金花寺北

魏伐蜀于此下營掘暫塹得大甕二十餘口以響琴

也

松雪 雷威作琴不必皆桐遇大風雷雪獨往峨眉山
着蓑笠入深松中聽其聲連綿清越者伐之以為琴
妙過於桐世稱雷公琴有最愛重以松雪名之

斲琴名手 晉雷威雷珏雷文雷迅郭亮並蜀人沈鐐
張鉞並江南人皆斲琴名手

震餘 鮮于伯幾以震餘琴送趙文敏是許旌陽手植
桐為雷所擊斲斲以為琴琴背許旌陽印劍之跡宛
然蓋人間至寶也

綠綺 蔡中郎有琴名綠綺云是嶧陽孤桐所斲一時
名重天下

無絃琴 陶淵明不解琴畜琴一張絃徽不具常撫摩之曰但識琴中趣何勞絃上聲

將移我情 伯方學琴于成連三年不成乃引之東海蓬萊山之側刺船迎吾師方子春旬日不返伯延望無人但聞海水瀕洞崩折之聲山林杳冥羣鳥悲鳴愴然歎曰先生將遺我情矣乃援琴而歌水仙之操遶殿雷 馮道之子能彈琵琶以皮為絃世宗令彈深喜之因號遶殿雷

游魚出聽 孫卿子云匏巴鼓瑟游魚出聽

箜篌 箜篌其形似瑟而小用撥彈之漢靈帝好之體曲而長二十三絃豎抱於懷兩手齊奏之俗謂之劈

笙篴

見狸逐鼠 孔子鼓琴曾子子貢側門而聽曲終曾子
曰嗟乎夫子琴聲殆有貪狼之志邪僻之行何其不
仁子貢以告子曰向者鼓琴有鼠出游狸見于屋循
梁微行造焉而避厭身曲脊求而不得止以琴淫其
聲參以為貪狼邪僻不亦宜乎

筑狀如琴而大頭十三絃其項細其肩圓鼓法以左
手抱之右手以竹尺擊之隨調應節

寇先生 嵇中散常去洛數十里有亭名華陽投宿一
更操琴聞空中稱善中散呼與相見乃出見形似手
持其頭共論音聲因授以廣陵散以鬼名寇先生生

前善鼓琴為宋景公所殺中散得廣陵散秘不傳肯授人後臨刑歎曰廣陵散於今絕矣

楚明光 王彥伯嘗過吳維舟中渚登亭望月倚琴歌泣露之詩俄有女郎披帷而進乃撫琴揮絃調韻哀雅王問何曲女曰古所謂楚明光也嵇叔夜能為此聲自茲以後得者數人而已彥伯請授教女曰此非豔俗所宜惟巖棲谷隱可以自娛耳鼓今琴而歌歌異畢遲明辭去

天際真人想 桓大司馬曰謝仁祖企腳北窗下彈琵琶有天際真人想

撥阮 武后時有人破古塚得銅器似琵琶身正圓人

莫能辨元行冲曰此阮咸所作也命匠人以木為之
樂家遂名之阮咸以其形似月聲似琴遂名月琴今
人但呼曰阮曰撥曰摘曰阮俱可

柯亭竹椽 蔡中郎避難江南宿柯亭聽庭中第十六
條竹椽迎風有好音中郎曰此良竹也取以為笛聲
音獨獨絕歷代相傳後折於孫綽妓之手

秦聲楚聲 李龜年至岐王宅聞琴曰秦聲良久曰此
楚聲主人入聞之則前彈者隴西沈妍後彈者揚州
薛滿二妓大服

好竽 齊王好竽有求仕於齊者操瑟而往立於王之
國三年不得入客曰王好竽而子鼓瑟瑟雖工其如

王之不好何

羯鼓 唐明皇不好琴一弄未畢以琴者出謂內侍曰
速令花奴將羯鼓來為我解穢

漁陽搥搥

稱衡被魏武謫為鼓吏正月十五試鼓衡

陽桴枹

音為漁陽搥音搥搥音搥淵淵有金石聲四座為

之改容

搥擊鼓法

回颿搥

王大將軍嘗坐武昌釣臺間行船打鼓嗟稱

其能俄而一搥小異王以扇柄撞几曰可恨時王應

侍側曰此回颿

同帆

搥使視之曰船入夾口

十八拍

蔡琰字文姬先適河東衛仲道夫亡興平中

喪亂為胡騎所獲沒於南匈奴左賢王十二年春月

登胡殿感胡之笳之聲作胡笳十八拍後曹操以金帛贖之嫁於董祀

簾簾

音損巨橫曰簾直曰簾

周禮梓人為簾簾天下大

獸五脂者膏者羸者利者鱗者雕畫於樂縣之上大聲有力者以為鍾簾清聲無力者為磬簾

周郎顧曲 周瑜妙於音律雖三爵之後少有關誤瑜必舉目瞠視時人語曰曲有誤周郎顧

擊壤 擊壤石戲也壤以木為之前廣後銳長四尺三寸濶三寸其形如履將戲先側一壤於三四十步外以手中壤擊之中者為吉

禁鼓一千一百三十聲為一通三千三百九十聲為三

通更鼓三百六十搥為一通千搥為三通餘鼓三百三十三為一通角十二聲為一疊

鍾聲 晨昏撞一百單八者一歲之義也蓋年有十二月有廿四氣又有七十二候正得此數越州歌曰繫十八慢十八六遍共成一百八

塤箎 塤以土為之銳上平底如稱錘六孔一云八孔大如鴨卵曰雅塤小如雞卵曰頌箎以竹為之大者長一尺四寸八孔小者長一尺二寸七孔橫吹之與塤聲相應塤箎二器乃周昭王時暴辛公所作

祝敔 祝狀如漆桶以木為之方二尺四寸深一尺八寸中有權柄連底撞而擊其傍所以起樂也方二尺

四寸者陰數也。斂狀如伏虎形，背上有二十七鉏鋸，刻以木，長尺許，以水戛之，所以止樂也。二十七鉏鋸者，陽數也。祝敔二器，乃舜時所作。

洗，凡清絕。吳越忠懿王得天台寺對瀑布泉，屋柱斲二琴，一曰洗凡，一曰清絕，為曠代之寶。後錢氏獻之。太宗藏于御府，見輟耕錄。

舞劍器。劍器乃武舞之曲名，其舞用女妓而雄裝之，其寔空手舞也。見文獻通考。

黎園子弟。唐明皇酷愛法曲，選坐部伎子弟三百人，教於黎園，謂之黎園子弟。居宜春北苑時，有馬仙期、李龜年、賀懷智、洞知音、律安祿山、自范陽入覲，亦獻。

白玉簫管數百事皆陳於叅園自是樂響不類人間
李天下 唐莊宗自言一日不聞音樂則飲食都不美
方暴怒鞭笞左右聞樂聲怡然自適萬事都忘又善
歌曲或時自傅粉墨與優人共獻戲優名謂之李天
下

雍門鼓 雍門周以琴見孟嘗君孟嘗君曰先生鼓琴
能令文悲乎雍曰千秋萬歲後臺榭已壞墳墓已下
嬰兒豎子樵採者躑躅其足而歌其上曰夫以孟嘗
君之尊貴乃若是乎孟嘗君泣然承臉曰先生令文
若破國亡家之人矣

桓伊弄笛 晉桓伊有柯亭笛嘗自吹之王徽之泊舟

清溪聞笛稱歎人曰此桓野王也徽之令人請之求
為吹笛伊即下車據胡床三弄畢便上車去主客不
交一言

臯亭石鼓 吳郡臨平崩岸得石鼓扣之不鳴闢張華
華曰用蜀中銅材刻魚形扣之則鳴矣如其言聲聞
數十里

饗過行雲 列子薛譚學謳于秦青未窮其技自謂盡
之遂辭歸青弗止餞于郊衢撫節悲歌聲振林木響
過行雲薛乃謝求反終身不敢言歸

餘音繞梁 秦青曰昔韓娥東之齊匱糧過雍門鬻歌
假食既去而餘音繞梁欂三日不絕李詩醉舞紛綺

席清歌繞飛梁

聲入雲霄 戚夫人善為翹袖折腰三舞歌出塞入塞
之曲侍婢數百習之後宮齊音高唱聲入雲霄

水調歌頭 唐明皇愛水調歌胡羯犯京上欲遷幸登
花萼樓命樓下少年有善水調歌者歌曰山川滿目
淚沾衣富貴榮華不幾時不見 今汾水上惟有年
年秋雁飛上聞潛然曰誰為此詞左右曰宰相李嶠
上曰真才子也

夜航船卷之十

古劍陶菴老人綯

兵刑部

軍旅

黃帝征蚩尤始戰顓頊誅共工始陣風后始演奇圖力
牧始創營壘黃帝戰涿鹿始徵兵禹征有苗始傳令
紂禦周師始戍守

黃帝制記里鼓始斥候漢武帝建墩臺黃帝制演武場
周公制轅門。黃帝制車以翼軍制騎以供伺候

呂望始制戰艦武王會孟津命倉兕具舟楫公輸班為
舟戰鉤拒伍子胥治水戰制樓船灘船智伯決汾河

水始水戰

蚩尤始火攻孫子制火人火積火輜火庫火隊五法魏
馬鈞制爆杖起火隋煬帝以火藥制襍戲始施藥銃
砲

黃帝始制礮呂望制銃范蠡制飛石用機

黃帝制纛制五采牙幢禹制旂懸車上為別周公備九
旗

伏羲制干制戈揮制弓牟夷制矢舜制弓袋制箭筒黃
帝制弩

黃帝始采首山銅鑄刀斧蚩尤始敗昆吾山鐵制劍鎧
矛戟陌刀

蚩尤始制革為甲禹制函甲

黃帝始制搶孔明擴其制舜制匕首

黃帝制雲梯古者名鈎援年夷制挨牌古名傍排

孫武制鐵蒺藜劉馥三國時人制懸苦今為懸簾岳飛

制藤牌

殷盤庚制烽燧告警趙武靈王制刁斗傳魏制雞翹報

急制露布漆竿報捷

五兵 矛戟戈劍弓謂之五兵

專主旗鼓 吳起臨戰左右進劍起曰將專主旗鼓臨

難決疑揮兵指刃此將事也一劍之任非將任也

授斧鉞 國有難君卜吉日以授旗鼓將入廟趨至堂

下北面而立主親操斧鉞持頭授將軍其柄曰從此上至天者將軍制之復持斧頭授將軍其柄曰從此下至淵者將軍制之

投醪 秦穆公伐晉及河將軍勞之醪唯一杯蹇叔曰一杯可以投河而釀也穆公乃以醪投河三軍皆取飲之

吮疽 吳起為魏將攻中山卒有患疽者起為吮之卒母聞而哭之人曰子卒也而將軍自吮其疽何哭為答曰往年吳公吮其父其父戰不旋踵遂死敵今又吮其子妾不知死所矣後起之楚卒果見殺

紉巾羽扇 諸葛武侯與司馬懿治軍渭濱剋日夜戰

司馬懿戎服蒞事使人視武侯獨乘素車細巾羽扇指揮三軍隨其進止司馬懿歎曰諸葛君可謂名士矣

金鈎 闔閭既寶莫邪復令國中作金鈎令曰能為善鈎者賞千金有人貪賞乃殺其二子以血釁金遂成二鈎獻之王曰鈎有何異曰臣之作鈎貪賞而殺二子釁以成鈎是與衆異遂向鈎而呼二子之名曰吳鴻扈嵇我在此聲未絕而兩鈎俱飛著父之身胸吳王大驚乃賞之遂服之不去身

七制 兵法七制一曰征二曰攻三曰侵四曰伐五曰陣六曰戰七曰鬪

挾纊 楚子圍蕭申公巫臣曰師人多寒王巡三軍拊而勉之三軍之士皆如挾纊

呼庚癸 吳申叔儀乞糧于晉公孫有山氏對曰梁則無矣粗則有之若登首山以呼曰庚癸手則諾

穀以隱語也

盜馬 秦穆公失右服馬見野人方食之公笑曰食馬肉不飲酒恐傷遂徧飲而去及一年有韓原之戰晉人環穆公之車野人率三百餘人疾鬪車下遂大剋晉

晉

劍名 劍口曰鐔劍鼻曰珣

立位

劍握曰鈇劍銷曰室

劍衣曰韜亦曰褱

音遶

劍把繩曰蒯緼

音句

五名劍 越王勾踐有寶劍五一曰純鉤二曰湛盧三曰豪曹四曰魚腸五曰巨闕

斬蛇劍 漢高帝於南山得一缺劍長三尺銘曰赤霄大篆書即斬蛇劍也及貴常服之晉太康三年武庫火中書監張華列兵防衛見漢高斬蛇劍穿屋飛去莫知所向

攸飛 荆有攸飛者得寶劍于江干涉江及至中流兩蛟夾舟攸飛祛衣拔劍刺蛟殺之荆王任以執圭干將莫邪 干將吳人妻莫邪為吳王闔閭鑄劍不成干將曰神物之化須人而成妻乃斷髮剪爪投入鑪中金鐵皆鎔遂成二劍陽曰干將陰曰莫邪

龍泉太阿 張華見斗牛間有紫氣在豐城分野乃以
雷煥為豐城令至縣掘獄深二丈開石函得二劍一
名龍泉一名太阿煥留其一以進華且曰靈異之
物終當化去華死劍飛入襄城水中後煥子為建安
從事經延津劍忽于腰間躍入水使人永水求之見
雙龍蜿蜒不敢近

華陽陰土 雷煥豐城獄中得劍取南昌西山黃白土
拭之光豔照耀張華更以華陰赤土磨之鮮光愈亮
金僕姑箭名左傳魯莊公以金僕姑射南宮長萬
石馬流汗 安祿山亂哥舒翰與賊將崔乾祐戰見黃
旗軍數百來助戰忽不見是日昭陵內石馬皆流汗

露布 軍中有露布乃後魏每征伐戰勝欲天下聞知
書帛建於漆竿上名為露布以揚戰功

蔣廟泥兵 南京鍾山有漢秣陵尉蔣子文廟蓋因子
文逐盜死此孫權為立廟封蔣侯權避祖諱鍾改名
蔣山後權孫與敵人戰夜大雨蔣侯助之次日見廟
中泥兵皆濕

箭塞水注 劉錡善射水斛滿以箭射斛拔箭水注隨
射一箭宣之人服其精巧

檠弧箕服 檠山桑也木弓曰弧服乘箭具也箕艸似
荻細織之而為服也

娘子軍 唐平陽公主嫁柴紹初高祖起兵與紹發家

資招亡命渡河主引精兵萬人與秦王會於渭北結
與公主對置幕府分定京師號娘子軍

夫人城 晉朱序鎮襄陽時苻堅遣兵攻之序母見城
西北角當先壞領百餘婢并女丁斜築城二十餘丈
賊攻西北角果潰衆守新城賊遂引退號夫人城

紫電青霜 滕王閣序紫電青霜王將軍之武庫

榻側鼾睡 宋太祖欲伐江南徐鉉入奏乞罷兵太祖

曰江南主有何罪但卧榻之側豈容他人鼾睡耶

廉頗善飯 廉頗一飯斗米肉十斤披甲上馬以示可

用郭開謂趙王曰廉將軍雖老尚善飯然與臣坐頃
之三遺矢矣王以為老遂不召

杜彪 梁荊州刺史杜山從臂力過人便騁馬射不虛
矢所佩霞明朱弓四石餘力每出挑戰魏軍憚之號
為杜彪

飛將 唐單雄信極勇力事李密人號為飛將。後周
韓果破稽胡稽胡憚果矯健亦號飛將

鐵猛獸 後周蔡祐與齊戰著明光鎧甲所向無敵齊
人畏之號鐵猛獸

熊虎將 周瑜嘗謂孫權曰劉備有關張熊虎之將有
飲馬長江之志又言羽飛為萬人敵

細柳營 漢文帝時匈奴大入邊上使周亞夫軍細柳
以備胡上自勞軍先驅至軍門曰天子至都尉曰軍

中聞將軍令不聞天子詔上使使持節詔將軍曰吾欲勞軍亞夫開壁門天子按轡徐行亞夫以軍禮見文帝曰嗟乎真將軍矣

飛將軍 漢李廣為北平太守匈奴畏之號曰漢飛將軍避之數歲

貫虱 列子紀昌學射于飛衛衛曰視大如小視微如著而後告我昌以聲牛尾垂虱于牖間南面而望之旬日之間漸大三年之後大如車輪乃以弧矢射之貫虱之心

來嚼鐵 唐來瑱為潁川太守賊攻城來射皆應弦而仆賊拜城請降稱為來嚼鐵

半段槍 唐哥舒翰為河西衛前將軍吐番大寇邊翰持半段槍當其鋒所向披靡

黃駒少年 唐裴果勇冠三軍與敵國戰乘黃駒當先軍中稱黃駒少年

白袍先鋒 唐薛仁貴嘗從太宗征伐每出戰輒披白袍所向無敵太宗遙見問白袍先鋒是誰特引見賜馬絹喜得虎將

大樹將軍 後漢馮異性謙退不伐諸將於所止舍輒並坐論功異常獨屏樹下人號大樹將軍

霹靂閃電 唐長孫無忌父晟討突厥畏晟聞其弓聲謂之霹靂見其走馬謂之閃電晉王笑曰將軍振怒

威行域外

轅門二龍 唐烏承玘開元中與族兄承恩皆為平虜
先鋒號轅門二龍

一韓一范 范文正公與韓魏公俱為西帥邊士謠曰
軍中有一韓西賊聞之心膽寒軍中有一范西賊聞
之驚破胆元昊懼遂稱臣

八遇八克 唐婁師德武后時募猛士討吐番乃自奮
戴紅抹額來應詔後與虜戰八遇八克

七縱七擒 孔明與孟猛獲戰凡七縱七擒後乃嘆服
曰公天威南人不敢復反矣

鉦止兵進 狄青與西賊戰密令軍中鉦一聲則止再

聲則嚴陣而陽却鉦聲止則大呼而突之虜大駭愕以是勝之

以少擊衆 唐馬璘武藝絕倫以百騎破卒五千李光弼曰吾未見以少擊衆如馬將軍者人號為中興銳將

朕之關張 宋狄青京師呼為狄天使上嘉其材勇為涇原路兵馬總管上欲一見詔令入朝會寇偏平涼乃令急往亟往俾圖像以進上觀其相曰朕之關張立漢赤幟 韓信攻趙令卒曰趙見我走必空壁逐我若等疾入拔趙白幟立漢赤幟信佯走趙果逐之回壁見赤幟大亂漢兵夾擊遂克趙軍

下馬作露布 南史傳永拜安遠將軍帝嘆曰上馬能
殺賊下馬能作露布惟傳修期能之耳

三箭定天山 薛仁貴為行軍副總管九姓衆十餘萬
令驍騎挑戰仁貴發三矢輒殺三人虜氣懾皆降

三鼓奪崑崙 狄青宣撫廣西儂智高守崑崙關青至
賓州值上元節大張燈火首夜宴樂徹曉次夜復宴
二鼓時青忽稱疾如內命孫元規主席少服藥乃出
數使人勸勞坐客至曉未散忽有馳報云是夜三鼓
狄將軍已奪崑崙關矣

順昌旗幟 宋劉琦與兀朮戰於柘臯虜遠望見大驚
曰此順昌旗幟也即引兵而去

每飯不忘鉅鹿 漢文帝謂馮唐曰昔有為我言李齊
之賢戰於鉅鹿下令吾每飯意未嘗不在鉅鹿也
錯鑄 唐羅紹威以魏博牙兵驕甚盡殺之遂為梁朱
溫所制乃謂親吏曰聚六州四十三縣鐵鑄一个錯
不成

得隴望蜀 司馬懿言于曹操曰今克漢中益州震動
進兵臨之勢必瓦解操曰人苦不知足得隴復望蜀
塞創復戰 隋張定和虜刺之中頸定和以草塞創而
戰神氣自若虜遂敗

杜伏威 唐杜伏威與陳稜戰射中伏威額怒曰不殺
汝箭不拔馳入後陣獲所射將使拔箭則已斬之

首級 秦法斬敵一首拜爵一級故曰首級後人云割一首必割其勢以為一級者非

梓樹化牛 秦文公伐雍南山梓樹化為牛以騎擊之不勝或墜地解髻披髮牛畏之入水秦因置髻頭騎使之先驅

勒石燕然 燕然山名去塞三千里竇憲大破單于登燕然山勒石紀功頌漢功德

九章 管子曰舉日章則晝行舉月章則夜行舉龍章則水行舉虎章則林行舉鳥章則行阪舉蛇章則行澤舉鵠章則行船舉狼章則行山舉犴章則載食而駕

啼哭郎君 都統制曲端勇悍非常每與虜戰呼裨將
頭目備告二以二帝蒙塵今在五國城中青衣把盞
凡為臣子者聞之痛心思之切骨遂放聲大哭將佐
軍士皆哭奮身上馬勇氣百倍虜人望之辟易稱為
啼哭郎君

鵠籠分部 曲端軍分五部一籠貯五鵠隨點一部則
開籠縱一鵠往則一部之兵頃刻立至其速如神見
者氣奪

玉帳術 杜子美詩空留玉帳術愁殺錦城人玉帳乃
兵家厭勝之方位主將於其方置軍帳則堅不可犯
其法黃帝遁甲以月建後三位取之如正月建寅則

已為玉帳

寇來沒處畔

陳後主與齊雲觀謠曰齊雲觀寇來沒

處畔故今人避人謂之畔

府兵 西魏始作府兵隋唐始為有番次入為兵出為

農周太祖始刺面見唐末劉仁恭刺民為兵給廩食

軍丁僉補

渠答族蔡也以鉄為之逆營則撒之四外

繞指柔 平望湖中掘得一劍屈之則首尾相就放手

復直如故鋒鋟犀利可斷金鐵識者曰此古之繞指

柔也

刑法

鄭鑄刑書晉作執秩趙制國律楚作僕區音歐皆法律之名也僕隱也區匿也作為隱匿亡人之法

歷代獄名 夏獄曰夏臺商獄曰羑里周獄曰囹圄漢獄曰請室

五聽 周禮少司寇以五聲聽訟獄一曰辭聽二曰色聽三曰氣聽四曰耳聽五曰目聽

三刺 聽訟者以三刺一刺曰訊羣臣二刺曰訊羣吏三刺曰訊萬民

古刑 墨刑劓宮大辟其後加流贖鞭朴為九刑
古刑名 城旦舂城旦者起行治城舂者舂米四時刑

也鬼薪白粲取薪給宗廟為鬼薪坐擇米使正白為白粲三歲刑也

五毒 械頸足曰桁楊械頸曰曰荷校械手足曰桎梏鎖繫曰銀鐐鞭笞曰撻掠考逼曰五毒俱備言五刑皆用也

三木 三木者謂扭械枷鎖及手足也

三省 一省曰不識二省曰過失三省曰遺忘

三赦 一赦曰幼弱二赦曰老耄三赦曰愚癡

虞芮爭田 周文王時虞芮之君爭田不決相與質於成於文王入其境見其民耕者讓畔行者讓路二君相謂曰我小人不可以履君子之庭乃讓其所爭之

田為閭田

除肉刑 漢太倉令淳于意無子有五女罪當刑罵曰
生女不生男緩急無可使其幼女緹縈上書言死者
不可復生刑者不可復屬贖願沒入為官奴以贖父
罪文帝憐之并除肉刑

後五刑 肉刑既除後以笞杖徒流死為五刑

髡鉗 髡削髮也鉗以鉄束頭也。鉗鉄陳咸傳謂私
解脫鉗鉄鉗在首鉄在足皆以鐵為之也

胥靡 胥相也靡隨也聯繫之使相隨而服役也猶今
之役囚徒以鉄索聯綴之耳

棄市 漢景帝改磔曰棄市勿復磔磔謂張其尸也棄

市謂投之於市

漢刑法志大刑用甲兵其次用斧鉞中刑用刀鋸其次用鑕鑿薄刑用鞭朴

鍛鍊 鍛椎也鍛鍊猶言精熟也深文之吏入人之罪猶鍛鍊銅鐵使之成熟也

鉗網 李林甫為相起大獄以誣陷異己者寵任吉溫羅希奭為御史鍛鍊人罪時人謂之羅鉗吉網

羅織 武后任用來俊臣周興二人共撰羅網經數千言教其徒羅織人罪無有脫者

蠶室

受腐刑者必下蠶室蓋蠶宜密室以火溫之新

腐刑者最忌盲風須入密室乃得保全因呼其室為

蠶室

庾死 漢宣帝詔曰繫者若苦飢寒庾死獄中朕甚痛之

梟首 百勞名梟以其食母不孝故古人賜梟羹縣其首於木故刑人以首示衆者梟首

鋤鬲 趙廣漢為潁川守恨朋比為奸乃許相訐或匿名相告者置鋤鬲令投書於其中

銅匭 武后時自李敬業反後恐人圖己盛開告密之門有魚保家者請鑄銅為匭其式一室四隅上各有竅可入不可出武后善之未幾其仇家投匭告保家曾為敬業造兵器遂伏誅

請君入甕 武后金吾上神勳以罪誅有人告右丞周
興通謀后命來俊臣鞠之俊臣與興方推事對食問
興曰囚多不承當為何法興曰此甚易耳取大甕以
炭四圍炙之令囚入其中何事不承俊臣索大甕如
興法起謂興曰有內狀推君請君入此甕興惶恐服
罪法當死宥之流嶺南

炮烙之刑 商紂暴虐百姓怨望者諸侯有叛者妲己
以為罰輕威不立紂為銅柱以膏塗之加於炭上令
有罪者行輒墮炭中以取妲己一笑名曰炮烙之刑
蒼鷹 郅都行法嚴酷不避權貴列侯宗室見都側目
而視號曰蒼鷹

乳虎 甯成好氣為小吏必凌其長吏為人上操下如束溼薪滑賊任威稍遷至濟南都尉其治如狼牧羊民不堪命後拜關都尉凡郡國出入關者號曰寧見乳虎無值甯成之怒

鷹擊毛摯 義縱為定襄太守以鷹擊毛摯為治其所誅殺甚多郡中人不寒而慄

掘獄訊鼠 張湯兒時父命守舍鼠盜其肉父怒笞湯湯掘窟得鼠及餘肉為具獄辭磔之堂下其父見之視其文辭如獄吏大驚遂使治獄後為酷吏

十惡不赦

一曰謀反

謂謀危社稷

二曰謀大逆

謂誹毀宗廟山陵及

宮三日謀叛

謂謀叛本國

四曰惡逆

謂殺及謀殺祖父母及夫

五曰不道

謂解人若一家非死造畜三人及支六曰大不敬

謂盜大祀神御之物

七曰不孝

謂告言咒罵祖父母及

奉養異財若

八曰不睦

謂謀殺夫及大功以上尊長小功尊屬

九曰不義

謂部民殺官長軍士十曰內亂

祖妾與和者

八議

一曰議親

謂皇太后總麻以上親皇親及太皇太后親

皇太子親

二曰議故

謂皇太后親皇親及太皇太后親

議功

謂能斬將奪旗推鋒萬里或率眾來歸寧濟

曰議賢

謂大德行之賢人君子五曰議能

整軍旅治政事為師範者

六曰議勤

謂有大將吏謹

公或出使遠方之經涉艱

七曰議貴

謂爵官三品及文武

難有大勤勞者之經涉艱

散官二品八曰議賓謂承先代之

例分八字

以異者與真盜故以枉法論如監守贓物並除名判

字並至斬准盜論但與真犯有間矣謂如判字之法論准

止杖一百皆主守者彼不同情盜所監守官物併贓滿

數皆斬各府工者若不同科此謂如諸色人匠私自代

替及替之類人各其先奏請議其犯十謂如論人議罪犯

類及之者事情連後謂如彼官之俱罪即復明者意盡而

罪事發在逃者眾証既明若謂如文雖殊而會上意

白即同獄成之類証既明若謂如文雖殊而會上意

顧山錢女子犯罪並放歸家但令一月出錢三百顧

人於山伐木謂之顧山錢

平反 爲不疑尹京兆每行縣錄囚還母輒問有所平

反音幅 活幾人耶平謂平其不平也反言反罪人辭

使從輕也

錄囚 北人言以錄爲慮今言錄囚誤以爲慮囚者非

是

頌繫 景帝著令年八十以上十歲以下及孕未乳盲

師侏儒當鞠問者皆頌繫之頌讀曰容寬容之不桎

梏也

爰書 爰換也以文書代換其口辭也。末減罪從輕

也末薄也減輕也

獄吏之貴 周勃下獄獄吏侵辱之勃後出曰吾常將

百萬兵然安知獄吏之貴也

死灰復然 韓安國坐法抵罪獄吏田甲辱之安國曰
死灰不復然乎甲曰然即溺之

六月飛霜 鄒衍事燕惠王盡忠左右譖之王繫之獄
衍仰天而歎六月天為之降霜

太子斷獄 漢景帝時防年因繼母殺其父遂殺繼母
廷尉以大逆論獄帝疑之武帝年十二為太子侍側
對曰繼母如母緣父之故今繼母殺其父下手之時
母道絕矣是父仇也不宜以大逆論

錢可通神 張延賞欲理一冤獄案上有一帖云奉錢
三萬乞不問其獄公恚恚收左右訊之明日於盤洗

處得一帖云奉錢五萬又于寢門所得一帖云奉錢
十萬公歎曰錢至十萬可通神矣吾以懼病禍也乃
不問

祭臯陶 范滂坐黨錮繫黃門北寺獄吏謂曰凡坐繫
皆祭臯陶滂曰臯陶賢者知滂無罪將理之於帝有
罪祭之何益

刮腸滌胃 齊高帝有故吏竺景秀以過繫作坊常云
若許某自新必吞刀刮腸飲灰滌胃帝善其言乃釋
之

青衣報赦 符堅屏人作赦文有大蠅入室聲甚厲驅
之復來俄而人皆知有赦詔所從來云有青衣童子

呼市中乃蠅也

于門高大 前漢于公門閭壞父老治之公令高大門
閭可容駟馬且言我治獄多陰德子孫必有興者後
子定國為丞相

論囚渭赤 秦商君性極慘刻嘗論囚渭水之上其水
盡赤

肉鼓吹 偽蜀李匡遠性苛急一日不斷刑則慘然不
樂嘗聞撻撻聲曰此一部肉鼓吹也

無冤民 張釋之于定國為廷尉克盡其職朝廷稱之
曰張釋之為廷尉天下無冤民于定國為廷尉民自
以為不冤

疎獄天晴 宋淳熙二年天久雨上御筆批問欲行下
諸路疎遣獄囚是日天霽上大悅

上蔡犬 秦李斯為趙高所譖二世收之父子臨刑歎
曰吾欲牽黃犬出上蔡東門逐狡兔其可得乎遂夷
其三族

華亭鶴 陸機仕晉為孟玖譖於成王時穎王即使人收
機機歎曰華亭鶴唳可得聞乎遂遇害

走狗烹 韓信為呂后所誅歎曰高鳥盡良弓藏狡兔
死走狗烹敵國破謀臣亡

支解人 齊景公時民有得罪者公怒縛至殿下召左
右支解之晏子左手持頭右手持刀而問曰古先王

支解人從何支解起景公離席曰縱之

屨賤踊貴 齊景公煩刑有鬻踊者 踊刑足所用 公問

晏子曰子之居近市知孰貴賤對曰踊貴屨賤公悟
為之省刑

同文館獄 章惇起同文館獄欲殺劉摯及梁燾王巖
叟等後為元祐黨碑皆始於此

金雞集樹 唐志中書令供赦日值金雞於仗南竿長
七尺雞高四尺黃金飾首銜幅七尺盛以絳幡將作
供焉武后封嵩山大赦壇南有樹置雞其杪號金雞
樹

天雞星動 古稱金雞放赦至今詔書於五鳳樓以金

雞銜下之三國異典司馬膺之曰案海中有占天雞
星動皆有赦故主王以金雞建赦

雀角鼠牙

詩經誰謂雀無角何以穿我屋誰謂女無

家何以速我獄誰謂鼠無牙何以穿我墉誰謂女無
家何以速我訟

吹毛求疵

漢武帝時天下多冤鼂錯之策務摧抑諸

侯王數奏其過惡吹毛求疵咎服其臣使証其君

犴狴也

獄犴胡地犬也野犬所以守故謂獄為犴狴。

造獄用肺嘉之石故獄又名肺嘉

周禮以肺石達窮民肺石赤石也使

之赤心不妄告以嘉石平罷民嘉文石也使不妄告具文理以折獄

子代父死

梁吉舛父為原鄉令為奸吏所証罪當死

紂年十五搥登聞鼓乞代父命武帝疑人教之廷尉
盛陳刑具不變乃宥父罪

發姦摘伏 摘挑也言為姦而隱匿者必摘發之

請讞 讞議也謂罪可疑者讞於廷尉

刑獄爰始 黃帝始制刑辟制流笞杖斬蚩尤制劓剕

黥劓紂制烹醢轅副周公制絞。黃帝斬蚩尤始梟
首秦文公始族誅公孫鞅始連坐。禹制城旦春周
公制徒唐太宗始加役流周太祖始加刺配

贖刑 舜始制贖止鞭朴周穆王始制五刑之疑各得
贖漢宣帝始制女徒僱役宋太祖始制折杖

三法司 隨隋文帝始死罪三奏行刑唐始大獄詔刑

部尚書都御史大理寺正卿三司鞫問

越訴 隋文帝令伸理由下達上始禁越訴

臯陶始制獄漢詔以周囹圄為獄北齊制獄囚於治
臯陶始制律蕭何制九章律張倉復定